





祭輓彙錄卷二十二

輓詩

陸

師先生字麇度浙江歸安人官儀真縣知縣

折柳隋隄小泊船逢人聽說項斯賢門通鄭驛客千屐  
家傳韋侯經一編丹鳳詔看來北闕少微星忽隕南天  
雲旌飛蓋歸何處石氏芙蓉有舊阡


朱

雷先生字東起江都人官陝西安塞縣知縣

先生道義薄高旻處士星沈哭此君四海無人堪借箸  
九重何處降元纁才華應作玉樓賦翰墨空留白練  
裙不必黃封焚塚上於今地下職修文

高天驥

先生字逸羣江都人官浙江山陰縣知縣





東南豪俊久知名天喪斯文衆所驚  
籌畫有方關國計指揮如意恰輿情  
江淮事業都推晏廊廟衣冠盡識荆  
愧我迂疎無可獻夢中肝膽爲君傾

童

鎬先生字叔京丹陽人官福建寧洋縣知縣

仙蹤跨鶴返蓬萊野老無因薦一杯  
揆席尚虛延四岳馳封先畀列三台  
南州高榻時時下北海清樽日日開  
私淑儀型徒悵望五更風雨夢初回

徐樹閔

先生字誠修崑山人候選知縣

長老羣嗟大雅亡平生遊歷總成傷  
笛翻水調南湖冷草沒溪樓東墅荒  
絮酒定來徐孺子碑文合付蔡中郎  
最憐藥棘廬居處白鶴翀天兔擾旁

陳于堂

先生字適仙江都人官長洲司訓

蓬門咫尺即高門爲述生平不憚煩  
三事早躋看子貴九重頻顧荷君恩  
尋芳愛蠟東山屐好客能開北海樽  
惆悵騎鯨歸碧落素雲縹緲散無痕

沈王商

先生字開遠長洲人官揚州司訓

寂寂華堂上巍然氣象真百年傳報本  
千載頌敦親大地青山杳長江白日淪  
今時齷政善曾念老成人

顧藹吉

先生字南原長洲人官儀真司訓

猶記追遊杖屨昔堆牀畫卷酒盈卮  
雲烟忽過空中眼松柏今凋雪後姿  
耆舊有人新作傳風流何日更題詩  
揚州明月滌溪水兩地茫茫動我思



姚嵩年

先生字中山江都人官徽州司訓

追隨猶記自當年杖履依稀在目前無復寢堂瞻道範  
空留釜屋葬高賢名垂金石芳華遠德著鄉邦福澤縣  
太息風流今已逝蒼松寒月更悽然

先

著先生字遷甫四川瀘州人

弱草隨時萎良材不易植並生倫類間挺特貴有立有  
美君子徒束髮慕姱節既秉兼人姿復具過人識賤彼  
組繡文不挾逢時策從容出餘智黽勉拓先業交遊申  
縞紵意氣干雲日聲名滿江淮行義著鄉國譬之堅勁  
材毫末足千尺雖不登明堂抑已構華室生為衆所羨  
歿為羣所惜里巷咸興悲士林多攬筆迹夫平生遭要

是萬人一載徵有道碑應知無愧色

張

弓先生字弋高陝西維川人

景星不恒見醴泉亦時湮維賢與化俱所載不貲珍萬  
象莫能附一機隨屈伸邈哉於何觀惟在察人倫憶昔  
接言笑曾被惠風春一揖見導御數語識陶甄襟懷溟  
渤讓爽塏岷峨新援溺具舟楫充類至微塵潛修迄上  
聞受知若有神比管寔緒餘學易善蒙屯即如虛舟字

鄭江邨有虛舟二字額先生法書也

逍遙久物賓縣縣啓華胄流風猶未

俊長公昔下帷雒誦高秋旻精堅貫鼎耳黃閣擎絲綸  
次公倜儻姿廊時擁朱輪三年麥兩岐獷俗風為淳家  
書來頌美

弓得舍姪廷琳信屢述郡司馬善政誰敢後尊親士不見諸侯



余乃雒川民真江遇公子晉接禮恂恂蓬蒿曷敢當益  
念古荀陳高賢無異轍厚德生龍麟胡來修文詔時至  
適歸真後起失楷範前輩鮮斯人不夷不惠道亦佛亦  
儒身以約履位素於樸想居鷄作誅悵無文贈言愧非  
仁伴來錫類善始敢賦苓榛

高懋賢

先生號芸  
白儀真人

冲襟不減撫無絃啓視誰知手足全自得佳兒康盛世  
竟行仙夢如釣天黃童白叟皆興羨越北秦南總謂賢  
惟是火傳人不見孝思哀慕盡何年

高懋功

先生號環  
洲儀真人

天不留耆碩人咸惜老成芳稱聞宇內媿行見平生翰

墨高人蹟林泉靜者情如驚歲在已忽值日臨康邦國  
多揮涕交遊頓失聲何從憾生死已覺備哀榮試聽儒  
林誄無殊國易名

蕭

暘先生字徵  
又江都人

愁見牆東墮歲星鬚眉難覓古儀型纔聞說項先揮泪  
華表重來不姓丁

對酒吟詩憶白頭晉人懷抱最風流平生知有神仙骨  
魂魄應居十二樓

芝草芳蘭繞膝生逍遙晚節百無營請看弔客紛如雨  
有道須知死亦榮

卞咸和

先生字雍萬  
江都人進士



天奪斯文去人間惜老成寢門多淚頰鄰里失春聲此  
日星摧謝何年鶴化丁生芻託短什淒咽不勝情

姜朝俊

先生字民章  
丹陽人進士

乍聞寶宿墜維揚遐邇咸驚大雅亡三月鶯花愁黯澹  
百年功業賦淒涼人因德厚慶彌遠水到源深流自長  
况復庭前蘭桂滿森森齊占上林芳

郭嗣齡

先生字引年  
江都人進士

間數歛名材於君指屈首一誠貫此生六行乃咸有家  
國畫於掌士民碑在口斯人而可忘金石亦云朽

王履仁

先生字德章  
江都人進士

本是蓬瀛島嶼仙優游洛社享遐年詩書緒擴箕裘遠

金紫輝騰伯仲聯四世秩榮光祖德群英鵲起快孫賢  
人間景福全膺遍杖履逍遙上九天

童

潤先生字澤民  
丹陽人進士

仰止輝光未識荆那知玉闕召先生義田贍族師文正  
厚祿周親比晏嬰景行十年成夢幻裁詩此日隔幽明  
自慚釋褐猶疎放絮酒何因到九京

儲大文

先生字六雅  
宜興人孝廉

巖嶺之水滙為漩潭如璧如玦右折而三有堂承之如  
劍之鐔維堂何其寔覺寔覃伊人爰止絢藻綺談英標  
駿氣軼江以南如聲之宮如形之弁今其逝矣颺馭雲  
驂頰仰堂止清溪載涵載瞻載揖軒轅是參



洪

濯

先生字玉符  
歙縣人孝廉

大厦驚摧棟長河歎逝川日斜悲賦鵬風冷怨啼鶻遺  
行人爭述芳規衆所傳宏才籌國略雅志濟時權淮海  
推盟主鄉閭仗大賢修祠昭薦饗贍族少顛連僑盼交  
何廣原嘗譽獨專當仁能不讓造福已無邊宸眷多  
優渥卿雲喜接聯賜書奎象麗肯構德星懸義俠今  
無矣雄豪信有焉膝前麟鳳繞階下桂蘭鮮嵇阮堪方  
駕松喬合竝肩放歌消永日染翰樂餘年忽痛人琴絕  
翻嗟磬欬蠲紅橋斷遊屐黃海失歸舷夢遶松丘路聲  
吞薤露篇自當攜絮酒和泪灑庭前

張符驤

先生字良御  
泰州人孝廉

四十年來齏政劇萬口喧推綱紀力一朝隕落感宸  
衷寧獨閭閻增太息繫公積善壽而昌備膺多福過侯  
王崇秩如經廿四考佳兒亦躋中書堂方公筆花一怒  
發驚倒巨公口流沫時事無公斷不能半世精神注鹽  
筴東南財賦重從前蘇州浮糧揚州鹽催科七分常不  
足幾見商人逋官錢運籌巧與當宁合皇帑百萬隨  
手撥歲歲北面祝無疆天恩易為淮南渥官府都知  
有項斯七次邗江盼六飛弘羊自然烹不得公與周  
旋夫何奇現今上充下亦裕公以一身為霖雨膠鬲發  
跡魚鹽中季布有聲在梁楚豈意俄成長夜遊禪智山  
光猶勾留自憐失怙悲纏骨但見麻衣泪欲流賢人遭



遇龍蛇厄公之勲名掛圖籍外間聚訟莫紛紛吾茲鹽  
法志亦畢

陳光表

先生字研螭  
儀真人孝廉

孝友先生錫類多典型逝矣我如何海山久借籌鴻烈  
造物常蒙補太和纘得祖功垂令緒養成國瑞獻嘉禾  
松楸重蔭光泉壤萬古完人銘不磨

唐繹祖

先生字敷時  
江都人孝廉

悵望江天掩少微哲人從此失攀追襟懷自昔推元度  
眉宇於今憶紫芝三徑煙花虛勝賞一行巾拂賸堪悲  
何人為借中郎筆更向幽宮勒巨碑

伍

超 先生字驥雲  
儀真人孝廉

滌溪三面讀書堂昔公家世惟文章楣間揭語傳紫陽  
蓮巖精舍論文場德星聚奎煥輝光二十四傳公乃昌  
虎氣騰上龍久藏膂力經營走四方迎親歛南居維揚  
家道十倍陶朱強素秉禮義運彌長孝弟忠信公無忘  
膝下諸公盡廟廊繞牀百笏異尋常公之福德媿汾陽  
申呂岳降下大荒傳說列星佐帝旁玉樓有詔奏笙簧  
公載雲旗意徜徉胸有何事足沾裳人生難得壽而康  
南極初昏視茫茫當代典型奚所望曰予陳詞心骨傷  
聊寫哀兮奠桂漿公其來格兮神洋洋

王

荃 先生號雙江  
西贛縣人孝廉

高標逸行著邗關齒德兼尊望斗山樂善丘園心自泰



濟時管晏傳常刪庭前舞綵荆花麗階下蘭生玉笋班  
一品貶封年七十淮陽哀頌播人間

周天相

先生字江仁和人孝廉浙

新安古君子大隱居邗溝鶴鳴有子和燕翼詒孫謀伯  
仲皆麟趾令譽滿皇州叔季行鵲起聯翩上苑遊獲交  
惟長公意氣深相投嘖嘖逢人說惇惇砥自修握別經  
兩年寤寐如相求矧翁賢小阮爲余兄弟儔同譜三十  
載情分更綢繆屢述翁行誼才德罕與侔康強考終命  
福壽協箕疇忽歎哲人萎聞者咸心憂古道將安仰瞻  
拜其何由竚見後昆烈光大揚前休仙馭雖云杳榮名  
奕禩留

蔡茂臣

先生字仲鄰儀真人孝廉

英年磊落負竒才濟世文章衆所推花放紫薇春色遠  
徒令跨鶴走塵埃

淮南挾策賦熬波慷慨聲名震兩河非止經營能富國  
麥舟贈比昔人多

階前玉樹鬱蒼蒼翰墨承恩鎮遠方更有孫枝多秀映  
燕山遺訓想難忘

獻壽皇都拜紫宸衣冠偉占鳳池春恩榮直是山中相  
白髮歸來賦隱淪

身齊五福享春秋忽召修文賦玉樓此去黃山樂松石  
空餘明月照邗溝



許道章

先生字闇如  
江都人孝廉

不住塵凡向碧空  
追思何處想仙蹤  
黃山間氣人鍾秀  
邗水雄才世景從  
芳躅遺流多厚德  
鄉心屬望比高峰  
文園深鎖苔痕滿  
他日封碑萬樹松

汪正鈞

先生字鳴韶  
休寧人孝廉

榘楠自有本溟渤  
自有源卓哉項太翁  
耆德誌不諼憶昔  
客京華長君仕薇垣  
文采軼鄒枚託跡金馬門  
赤驥雖長羈彩鳳能高騫  
芳名振都邑卿相失其尊  
余時翳桑梓論文傾酒樽  
稔聞義方訓遐邇無間言  
卓茂真長者古誼今猶存  
太丘道益廣高節誰攀援  
僑居寄邗上習俗輿馬繁  
竭智侈服御舉國何嚶  
誼特立若砥柱力

能挽頽爓孝友家可法  
義氣頑夫敦暇日娛琴書  
時與靜者論臨池摹黃庭  
賦詩溯開元香山與洛社  
勝友如雲屯維時繫扁舟  
更復交諸昆芳馨盡蘭芷  
大器皆璣璠典型雖云沒  
盛德如春溫源深流自遠  
本固枝愈蕃我友暨叔季  
變化多鵬鷗鑿輿數臨幸  
久已班殊恩長謠誌景行  
國史備採掄

朱大焜

先生字爾熾  
儀真人孝廉

欽仰高風未識荆  
素車白馬忽相迎  
神交千里雲飛遠  
夢接三更幻欲驚  
江楚聲名聞帝里  
桂蘭寵錫自燕京  
哲人萎矣空流涕  
華表歸來死即生

汪玉珩

先生字非寶  
歙縣人孝廉



啼殘杜宇識春歸歎息江干隕少微九老高風今已應  
兩淮人望竟何依翩翩素朝露鬱鬱青松隱夕暉令子  
文孫稱繼美鸞書還向墓門飛

郭耕禮

先生字書農  
江都人孝廉

木落鳴孤鴈重陰閉綠苔人間悲碩望天上召奇才跌  
蕩騎鯨去逍遙化鶴回那堪歌薤露愁絕不勝哀

王貽穀

先生字植初  
江都人孝廉

封公間代鳳麟姿儒雅風流邁等彝裕國才華 天子  
重傳家倫行後人師鶴書忽返清虛界彤管長留絕妙  
辭奕奕盛名知不朽歛南淮北盡悲思

許邈中

先生字虞傳  
江都人孝廉

矍鑠翁宜享髦期忽傳仙名下瑤池典型猶在塵寰隔  
耆舊云亡里巷悲孝友家風垂奕禩簪纓世胄重清時  
思公丰采無由見門外寒鴉宿柳枝

李文烜

先生字庭光  
儀真人孝廉

英姿偉略震江鄉奕奕勲名詎忍忘裕國屢膺當事重  
陳謨疊受大官揚功崇祖廟烝嘗永德沛宗支史策芳  
躩躒風期應壽考奄然辭世赴穹蒼

厲志超

先生字哲侯  
儀真人孝廉

大德由來錫純嘏箕疇五福如申甫生則聲名斗與山  
歿則芙蓉作館主卓哉歛南項夫子英豪磊落真竒士  
五車過目輒不迷六經子史得其髓壯志不為章句拘



歸來煮海甲桑梓，齟政持籌世所宗。富而好禮稱人龍，恤商裕國無遺策。早有聲名達九重，愷悌居心多大度。樂善不倦彼蒼顧，鳳雛玉立傑且雄。明光執戟隨鷁鷺，人物如君第一流。生前何必公與侯，形隨物化德不朽。結精凝氣在丹丘，飄然乘風於帝側。逍遙紫府樂何極。

江旻

先生字扶五歙縣人孝廉

先生本屬大羅仙，游戲寰區亦偶然。海上騎鯨傷此日，城頭歸鶴慨何年。詩書世澤光前業，節鉞森嚴啓後賢。一品殊恩榮已極，還欣蘭玉起蟬聯。

羅智

先生字愚溪歙縣人孝廉

翕然聲譽重淮揚，梓里諸公藉末光。自昔仁人天所祐，豫知君子澤彌長。兩江世德千秋仰，四代恩榮一品香。身返蓬壺難再見，追思風範淚沾裳。游戲人間七十春，鶴飛華表返清真。少微星隕群垂涕，薤露歌聞一愴神。著述名山期不朽，江淮砥柱賴何人。龍蛇值歲傷徂落，同輩何能步後塵。

唐祖命

先生字薪禪順天大興人貢士

漢書志食貨五味首鹽筴，民命實所憑。黍禾功用協江淮，擅財賦煮海執恒業。沾濡千萬里，巨艘溯黔粵。所策一舛乖，群黎盡疲茶。吁嗟項大夫，早歲事括帖。鯤鵬困泥滓，騏驎蹶蹠躓。小試居竒方，鉛刀手持粹。賢勞五十



載盈匱藉調攝 君恩盛優渥上賞賚簪笏謂此宰相  
才煥寒知理燮有子服先德義方守輓軌繡幃乘青驄  
旌麾爛華閥亦足補君志高名耿昭揭往歲維戊辰槐  
廳我彈缺崔陵負冰鑿謂蓮生大叅獎譽煩齒頰杯酒一識  
君丰神歛英發歲月曾幾何萬事總荒忽九原不可作  
沾巾淚難竭

張師孔

先生字印宣江都人貢士

鄉閭屈指話耆年淮海巋然令譽傳却怪比來聞巷哭  
盲風吹雨夜啼鵑  
危隄百尺壓河濱廣厦千間係一身無限平生芳躅在  
典型今又失斯人

築舍滌溪世系長瑤琮曲水抱如璜考亭尚有親題句  
留得山中舊草堂

修篁嘉樹映窗虛曾記龍香點筆初泪灑諸孤思手澤  
開槭猶賸換鵝書

懸崖揮手謝塵氛哀誄交推萬石君何處更從尋鶴馭  
黃山松際練江雲

黃咸瑩

先生字光彝儀真人貢士

嗚咽簫聲薤露詞三靈何譴不期頤魂招渺渺蘇耽鶴  
石勒我我郭泰碑身及郎君趨鳳閣 帝頒綸綍降龍  
墀載瞻榱桷儀型在行路無從涕泪垂

顧秉節

先生號訥菴武進人貢士



天上竒才挺人傑江淮卓卓稱賢哲聲名海宇莫不聞  
行誼巍峩恒華列忽然仙逝遊蓬瀛端友皆為增哽咽  
略書懿德備史官庶免心煩緩騷屑先生襁褓異凡兒  
眉宇舒揚多器識讀書大義早徹明為文千篇盡高潔  
居家孝友無間言卜葬誠祖示吉穴臺閣公卿每見知  
六龍南幸曾趨闕御書承賜榮華袞領袖多士真  
超軼故山修葺祖先塋樹碣繪圖彰往烈宗祠重加黜  
聖新築隄全族無漲齧追尊祖考竭孝思誥命貤封  
崇爵秩救荒立法濟鄉邦里黨閭閻不飢渴三面滌溪  
舊講堂鉅任獨肩家塾設義田復師范文正濶達襟懷  
靜冰雪書臨蘇米造晉人詩勝錢劉入杜室庭訓煌煌

嚴命存屢以素絲堅礪節此皆簡冊例得書揚善宏辭  
筆如鐵

孫

銓先生字鶴田  
江都人貢士

久識昌期降甫申吟成梁父愛垂綸廿年廊廟思良弼  
一旦衣冠失偉人花裏原嘗停玉塵山中綺角卸蒲輪  
文章經術弓裘接取次應為柱石臣

呂懷祖

先生字書酉  
江都人貢士

兩淮德望孰稱全只有先生推最賢治事公平惟克已  
居心長厚絕無偏疑難至處能綜理盤錯投來見翰旋  
何事玉樓相召迫空餘懿軌說當年

一溯芳蹤一歎嗟東南福曜忽云遐持籌國計推恩遍



掌握離網布澤奢帑藏常充資碩畫轉輸不匱見才華  
名聞 朝宁今何在五十餘年一夢賒

方肇夔

先生字況泉  
江都人貢士

膝繞諸兒垂鳳綬身膺一品拜龍章人間空覓回生草  
澥上原無不死方華屋句思曹子建豐碑銘藉蔡中郎  
誰教耆舊成凋謝欲遣巫咸問彼蒼

董顯宗

先生字醇夫  
江都人貢士

襟懷倜儻貌溫恭此日須君作大鏞月暗一庭啼鵬鳥  
風排三徑折蚪松所欣令子都成鳳更喜文孫盡是龍  
莫為易稱悲薤露曾膺八座紫泥封

史積緒

先生字詒昆  
江都人貢士

霞山間氣毓人豪藉藉江淮譽望高經濟才優同少伯  
文章雅絕比離騷謀參帷幄傾駟馬瑞應芝泉耀錦袍  
到處於今多說項好憑彤管付詞曹

張

珩先生字荆石  
歙縣人貢士

淮海推耆德胡然掩夜臺騎鯨今日去化鶴幾時回漫  
擬黃壚舊空餘素旒哀寢門遙在望長此鎖莓苔

平生欽道範恨未識芝顏異地慚雞絮私心失斗山論  
才應比管投筆豈輸班接武皆麟鳳丹霄近可攀

世道嗟非昔斯人振紀綱瀾狂誰作砥棟折孰為梁台  
鼎虛前席星文掩夜光生芻千里隔極目白雲鄉  
長君曾締好契洽若金蘭遠訃增哀誅羈人動浩歎鵑



啼巴水咽鵬賦楚江寒木落秋風起遙知泪染丹

劉

震

先生字東郊長洲人太學

黃海鍾靈氣高門有偉人歌騷追屈子孝友重君陳落  
筆常驚衆持籌為養親雄才如劍利雅量比醪醇  
政嘉謀熟天恩寵錫頻三宗皆被德列郡亦懷仁  
哲嗣翔丹鳳賢孫耀紫麟懽承萊子服慟折老莊椿雲慘蕪  
城夕風悲瓜步津無由躬執紼相望泪沾巾

鄭

鉞

先生字季雅長洲人太學

詞翰空留三絕真交遊羣羨八廚名園林數有耆英會  
鄉里都推月旦評夢到白雞悲世促封來紫誥荷恩  
榮乘輻哲嗣休哀泣已侍仙班上玉京

程

鳴

先生字松門歙縣人

温純玉界導澹泊朱絲純舉以似嘉德清風相與朋邈  
然今已絕來者望猶興他日松杉路應同下馬陵

陳

撰

先生字楞山浙江鄞縣人

耆舊如公者風期未有涯長牋摹響搨小本勘麻沙白  
鶴引孤唳清松吹晚花如何棲舍鵬賦就便乘查  
人百真難贖凋殘不可言塵悲王史座馬扣謝公門象  
誥陳几席翮簧奠酒尊他時有趙櫓鄉籍筆須援

黃文璣

先生字天儀江都人太學

高名如日麗江天底事逢人說子遷芒掩金刀風瑟瑟  
寒凝玉樹雨涓涓舍人空感書駒夢仙客難期化鶴年



紫誥綸音紛在眼吟成楚些泪潸然

程光棟

先生字隆吉休寧人太學

令德榮名海內傳清華閱世稱賢事功垂範餘千古  
經濟匡時數十年繞膝鳳麟皆炳蔚映階蘭玉早聯翩  
修文應召驟鸞去瞻望雲旂倍黯然

汪源

先生字西濤歙縣人太學

垂髫欽仰凜威儀品行文章皆我師每以肩隨稱舊好  
胡爲箕尾速飛馳江南巷哭多民泪北闕傷心達帝  
知况與仲君稱莫逆能無濡墨寫哀辭

李景和

先生字讓柳江都人太學

人生自古誰不死但問死後何如耳公笑飄然別世人

世人哭公殊未已哭公身後想生平錯落珠璣吐歎成  
興到揮豪搖五岳馭龍掣電風雷驚以此博名如拾芥  
公之行藏益超邁只戀高堂二老人承權朝夕從無懈  
及乎霜露已多年每對遺容尚慘然恍惚精誠相接處  
夢中曾記指牛眠牛眠之地天所闢先靈於此獲安宅  
修建宗祠買義田用盡黃金渾不惜更聞淮海昔罹災  
天子憂勤巡狩來忼慨陳詞圖鵠面一時羣仰治安  
才總緣學術深濂洛品行文章皆卓犖洋洋千頃挹洪  
波矯矯半天飛白鷗誰知昨夜蜀岡頽月泣殘春叫子  
規百身莫贖儀型遠萬禩難追人盡悲悲兮公嗣哭聲  
苦血泪涔涔滴黃土我勸大孝須節哀海甸蒼生待霖



雨

汪鶴齡

先生字聞九歙縣人太學

星寒牛斗碩人亡寂寂春殘事可傷雲物無端埋月霽  
鶯花何處覲風光安仁作誅情難盡庾信為銘恨更長  
遠近同聲歌薤露碧天千里一時黃

杳渺穹蒼不可論白揚風起暗傷神交遊共歎無耆德  
淮海咸悲失此人元亮丰標今日遠蔡邕碑字異時真  
關情最是聞吹笛慟絕山陽泪滿巾

王思安

先生字匡侯浙江山陰人太學

民生國計一身肩淮海瞻依四十年籌餉惟公心向日  
請蠲報可力回天壽齊尼父歸何憾位次汾陽福更全

獨歎幽明成頓隔追思觸處總凄然

一夕文星隕少微長空渺渺澹無輝生前

紫誥頻霑

寵夢裏黃山竟未歸落筆縱橫凌米蔡抽思敏捷陋雲  
機更從芸閣求遺蹟三復臨摹靜掩扉

待舉炊烟不計人好施樂善本推誠親疎遠近懷恩澤  
婦女兒童識姓名正好花時金谷會其如天上玉樓成  
靈衣素幔春風裏忍聽紛紛哭失聲

身將老矣識荊州深悔從前汗漫遊敢謂投詩邀汲引  
翻蒙下榻特殷留歸傳化鶴知何日榮獲登龍自去秋  
不道典型遽凋謝模糊雙眼淚難收

吳弘謨

先生字虞三江都人太學



飈風乍捲失陽春碧落台星精采淪好在西州華屋處  
遽亡南國典型人招魂宋玉些詞麗表德中郎隧碣真  
不敢生芻門外置通家父執更誰親  
記得高車賁草堂荷衣出見侍壺觴交情不逐流年換  
古道何殊逝水長揮塵牀頭方款款騎箕雲際已茫茫  
老成凋謝悲何極幸託孫枝蘭譜芳

閔長虹

先生字在東歙縣人候選州同知

家世淳熙舊著名妙年頭角早崢嶸恩沾族黨呼慈父  
望重江淮羨老成正卜長齡過耄耄誰知凶問到柴荆  
箕疇福備人難駐無限悲涼觸境生  
追陪曾記坐寒暉酒國詞場事已非碩果人間真絕少

浮雲世路悵空歸高天鶴唳淒蓉館清夜烏啼冷總帷  
此去海山消息杳江城何日返丁威

程庭

先生字且碩歙縣人候選州同知

泪雨鶯花膩不乾昔年同社半凋殘焦桐莫再彈流水  
此日知音覓最難

徵歌獵酒慣顛狂多感忘年列鴈行潭水桃花杳然去  
汪子周士前月云逝一時又喪魯靈光

吳敦德

先生字上立休寧人候選州同知

福星一旦賓仙去白鶴飄飄信杳然淮北鴻聲齊范老  
江南駿譽邁唐賢皤皤鬢髮耆英侶表表丰姿耄耋年  
何事夜臺輕易掩那堪重讀舊詩篇



劉正實

先生字秋田歙縣人候選州同知

先生卓犖齊項斯名傳薄海衆所知文章言語妙天下  
壯遊到處有新詩初日芙蓉開玉沼蘅臯風暖佩江籬  
落紙風雲生筆底論交河海見襟期襟期浩蕩寬溟渤  
豪氣雄才自超越千里驂騑上碧霄九苞鸞鷲飛丹窟  
王家珠樹未足誇謝庭蘭桂差堪匹雲曹畫省陟槐堂  
建節褰帷行仗鉞接武聯鑣盡俊英承歡子舍推純孝  
蝦鬚暮捲玉玲瓏螭首杯傳銀落鑿崇階峻秩更無倫  
誕膺天寵頒恩誥先生氣度益謙和淮海望隆持雅  
操十二春風吹未已八千椿算從茲始詎期梁木忽驚  
摧那料吉人隨逝水白馬素車來遠近紵衣縞帶悲生  
死揮泪陳辭拜影堂閭里銜哀感桑梓

劉正寅

先生字禹建歙縣人太學

風木念予纔泪血那堪今又哭先生揮毫老去思前輩  
大雅何人復令名馬鬣碑前千載著鳳毛池上晚雲平  
江城五月梅花落莫作山陽笛裏聲

張

鈿

先生字環齋儀真人文學

耆舊名高瑞世身少微光掩悵江濱人倫遺範傳青簡  
奏劄餘香在紫宸霄漢冲飛龍骨蛻階墀羅列鳳毛新  
敢言有道碑文稱楚挽吞聲屬後塵

程元愈

先生字偕柳歙縣人文學

悵望江天忽杳冥中宵芒掩少微星直因後死傷凋謝



猶及吾生見典型人擬德公尊大隱家如韋氏富遺經  
擣辭誰更能無愧重勒豐碑有道銘

自天題處荷奎章畫錦長懸不夜光禔福人間從獨擅  
榮哀身後信非常策高淮海關經國業振粉榆盛墨莊  
如璧溪滌三面好靈歸應戀讀書堂

吳一楨

先生字志行浙  
江錢唐人文學

聲華江左冠名流回首音容動客愁曠代高風陶粟里  
當時重望李仙舟蛟龍匣裏悲雙劍蘭玉階前忝舊遊  
今日登堂歌薤露先生英爽自長留

前生想合駐蓬萊鶴背仙人歸去來眼底繁華同萬石  
山中爵秩已三台靈光魯殿孤標著伯仲齊名大燾開

會見紫泥頒異數

天章稠疊慰泉臺

文

含

先生字書深  
長洲人文學

天都家世舊簪纓一俊淮南久著名碩畫動能傾  
黼座聲華何止重公卿千秋大業光彤管當代才人返碧  
城剩得二分明月冷儀牀還共影雙清

孫濩孫

先生字  
高郵人文學

具瞻淮海一耆英客歲招尋始識荆旅寺再來聞巷哭  
德門重過指銘旌桓榮未赴蒲輪召石奮應留汗簡名  
中外只今推令子二難聲譽徧公卿

汪

荃

先生字民長  
江都人文學

卿雲五緯績方強南極星高忽掩光淮海尚存軍國計



庭階多綰鳳鸞章  
仙霞杳杳丹林迴  
冢樹蔥蔥翠柏長  
懿行碩謨留燕翼  
揮毫尤重墨池香

史進義

先生字方山  
江都人文學

道山歸去德星微  
崩壑哀泉入夜淒  
祇覺悲思動朝野  
更誰豪氣徹虹蜺  
素車白馬名人弔  
落月停雲處士題  
却羨孝慈傳不朽  
書堂三面復滌溪

史

順

先生字天循  
江都人文學

影纓曳轂迴離凡  
况復年來受紫函  
營繕仍周名下士  
用公家  
清高懶道殿頭銜  
敬之不惜逢人說  
膠相何曾  
避世讒一自修文  
傳玉詔驚看膝下  
脫朝衫

孫

謙

先生字阿平  
江都人文學

南州望重稱冠冕  
東海名高峙斗山  
何事天書方寵  
錫笑騎箕尾別人間

鄰笛宵聞觸感多  
酒壚雖近渺山河  
那堪不日佳城闢  
又聽秋風薤露歌

李之瑄

先生字松儀  
江都人文學

驚覩長空隕德星  
比鄰春杵昨皆停  
文修天上乘仙馭  
望重人間憶典型  
薤露哀吟春寂寂  
總帷低拂晝冥冥  
光風霽月思何極  
說項逢人涕淚零

孫

匡

先生字鶴柴  
江都人文學

黃山聳翠毓名流  
老向維揚遂唱酬  
賈董鴻才傳四海  
鍾王綵筆重千秋  
常歡詩酒聯金谷  
倏別鶯花赴玉樓



紫誥馳封悲令嗣清風明月冷松楸

沈

珍先生字湘靈  
江都人文學

淮海維揚失棟梁春風總帳仰容光文章原足登臺閣  
姓字於今重廟廊白嶽遺家千里隔紫泥沛澤百年芳  
佳城異日豐碑下應有生金指道旁

汪良溥

先生字博亭  
歙縣人文學

文章經濟重熙朝一代名賢道義超孝友自然青史著  
精靈仍藉楚詞招蒼生虛望東山起綠蟻還傳北海饒  
碩德崇隆邀 帝眷 龍章炳煥下雲霄

張嘉樹

先生字  
江都人文學

淮海人傳處處名似聞金石躡蘭蘅籌時早擅鴟夷術

怡老尤耽詩酒情春冷鶯花愁閨月夜深風雨暗長庚  
飽看雛鳳翔千仞應是逍遙白玉京

雷三莘

先生字伊耕  
江都人文學

彼蒼何遽奪斯人梁木其摧水月淪淮海誰為垂大澤  
楚江難復布陽春懷才籍籍七賢首對影淒淒一慟真  
况是栽培綿祖德能無揮涕倍傷神

誰為龍蛇際厄年何騎箕尾上青天玉樓縱有修文召  
珠柱寧無絕調憐三月鶯花渾是夢七旬精采定為仙  
試看化鶴歸來日應寫丹書粉堞前

高玉桂

先生字燕山  
江都人文學

八袞剛逢詎一旦風流云杳憶當年五陵豪俠壯懷縹







洪肇模

先生字鑄先歙縣人文學

見說鄉邦勝山連古睦溪先生朝野望風義簡編齊光  
祿班高左中書省列西白沙傳訃地江柳正淒迷

汪艾

先生字沂溪江都人文學

鴻猷偉業冠當時師德高名奕世師龍馬精神原獨健  
陳荀風度實堪思蘭芽味別諸郎迴桐蕊香清後葉宜  
餘澤流風聲譽遠遍吟蒿里挽歌詞

吳吉

先生字迪生江都人文學

先生淹雅故彬彬佐策江淮達紫宸令子已翔霄漢  
路老年高臥碧山春爭誇光祿饒清健不道蓬萊忽返  
真化鶴歸來風雨夜哀吟須識比鄰人

陳仁安

先生字近求江都人文學

江郭香名最甘棠世澤長東山留遠蔭南國有恩光文  
字聲華重風流興趣揚河源真浩瀚景物亦遐昌博古  
情尤切趨時譽自芳繡衣資贊畫園府賴勸逸致陶  
彭澤高風王彥方一經能教子百行著居鄉自有金章  
貴還宜玉醴將天書新爛熳文物正輝煌詞翰人間徧  
琴書物外颺娛情在泉石適意愛松篁綽有嫺時策全  
無近俗腸買舟堪濟度施茗亦流香舉世瞻模範隨時  
愛景祥鳳毛方振羽燕翼自飛翔佇看絲綸重干旌到  
路旁

江源

先生字逢也歙縣人文學



祭韓公鍾靈卷五  
間氣鍾靈誕偉人邗江聞訃泪沾巾如君行誼隆千古  
何不長留絳縣身

回思遺範倍生傷碩德芳型一旦亡年過古稀偏厭世  
遂騎箕尾返天閭

天授竒才學冠倫何難對策展經綸圖南忽息搏風翮  
頰首持籌為養親

煌煌報本疊優崇兩代榮封振世隆廟貌巍巍我同嶽峙  
弘昭異數孝思雄

追遠精誠可格天購歸遺像歷千年滿朝椽筆多題贊  
光采長如象曜懸

愛父無忘親仲父敬兄何忍薄諸兄藹藹仁心匡一切

諄諄矢誨望全生

桂谿聚族百千群逐逐營生順逆分酌古準今多任卹  
義田還做范希文

百丈長隄勢蜿蜒陽侯無復漲狂瀾捐金捍患功尤偉  
千室從茲得奠安

推恩不靳外家親扶弱鉏強枉得伸憫舅無兒為置媵  
夢蘭存祀誦仁人

識邁才雄衆服膺解紛排難有聲稱潛消傾險隨平復  
肝膽常能照友朋

正誼躬行裕後昆平生錫類有深仁太丘家法惟雍穆  
萬石門庭著謹醇



子子孫孫蕃且賢豐貂七葉看蟬聯 帝廷疊有褒嘉  
至含笑承封慰九天

陳

淙

先生字元發長洲人太醫院侍直

耆英社裏倚高賢問齒初逾杖國年碩果不留天已酷  
遺經猶在子能傳情同徐穉臨江夏才愧東阿誅仲宣  
華屋追遊更何處影堂瞻拜泪如泉

趙錦含

先生字梅谷無錫人太學

中原久負顧廚名哀訃傳來世盡驚夜壑藏舟悲竟徙  
靈光遺構歎先傾 朝廷亦自嘉籌畫鄉國何堪喪老  
成三錫 馳封千里會如君真已備哀榮

朱

溜

再見

間氣生豪俊鄉邦見偉人竒姿龍馬異名器廟堂珍班  
傅才堪匹鍾張筆與倫聰明推國瑞秀徹譽風神拂拭  
拋儒服經營奉老親兩淮尊宿彥三楚恃鴻鈞裕課多  
呈策籌儲每建論語言鎮金石節概比松筠特荷 温  
綸重還膺 寵命新一門霑雨露四世曳星辰當事詢  
咨切遐方感頌頻下簾勤教子開閣喜留賓晉接朱門  
貴提携白屋貧田財賙族里婚嫁恤鄉民指點羣情服  
吹噓滿面春森蘭皆茁玉叢桂早垂紳鳳閣欽丰采  
惟得要津正當仁者壽永以德為鄰痛矣乘雲去悲哉  
薤露呻老成不可接終古望嶙峋

楊

賓

先生字可師浙江山陰人



誰識新交勝故交花前曾與坐堂坳臨窗二老論書畫  
繞膝兒孫列酒榼遺照空懸當戶榻總幃猶翫讀書巢  
今朝獨灑西河淚無復圍棋竹裏敲

杜庭珠

科第聯綿冠歛南元宗重望舊曾諳文壇風雅人中傑  
學海波瀾度內涵芝宇共看荀氏秀鳳毛爭羨德公談  
悲來宿草嗟何及欲奠生芻去脫驂

周豫

先生跨鶴白雲鄉事業聲名震兩江天上玉樓開勝會  
人間法曜撤精芒一時聚散如曦景瞬息分離若電光  
淼淼狂瀾誰砥柱令人慘斷幾回腸

陳永年

先生字子  
靜休寧人

青睞芙蓉三十六雲蚪於此鬱孤根佳名底事逢人說  
碩望真能結主恩冀北重封黃紙硬淮南一帶白頭  
尊臨風獨灑沈瀾泪管鮑貧交永弗諼

陳吳嶽

堪歎騎箕去鬚眉群一空經綸恢國計道義振民風柿  
葉雲煙起錦囊珠玉工芳踪難再覲雪涕及黃童

黃汝鈺

豈意騎鯨去空教掩總緯青山依舊在黃髮已悲非路  
杳邗江隔名從天府歸無由效執紼徒有淚頻揮

張超彥



紫陽鍾毓地高躅有遺民佛子家聲舊舍人官樣新安  
車方待聘僊袂忽登真珠樹成行列悲風露灑晨

朱

驤先生字曼仙江都人

宗支敦睦庇雲天文正遺風今復然僉頌山林經濟大  
能邀宸翰墨華鮮尋源推本抒鴻志移孝為忠訓象  
賢歎息騎箕歸碧落何人持筴善籌邊

朱丕或

天上修文去人間失老成道存千古業名豈一時榮白  
馬臨風泣青烏向午鳴東芻來會葬數郡集豪英

張

樞先生字北尊儀真人

昭代論才士羣推有道賢盛名高北斗美譽重南天少

即攻三篋曾真貫百川為文期古澹味道入淵泉隆望  
期公輔澄懷想倥傯不圖簪紱貴祇愛綵衣鮮養志輕  
毛義嘉謀用計然公卿求識面豪俊願隨肩厚澤施江  
左佳名達御前上尊頌內府宸翰錫瓊筵令嗣璆  
琳器同升日月邊鳳池伯氏重鷹節仲君傳叔季菁華  
盛孫曾學業專清時看豹變奕葉定蟬聯善積宜昌後  
基開必有先階登一品祿誥授五花牋擬享長年樂  
何期竟上仙鄉邦遺楷範後學失陶甄尚寶鍾王蹟長  
留屈宋篇至今稱頌者道路尚沔漣

吳雯炯

先生字鏡秋江都人

藝苑推宗匠人群挺鳳皇江淮儼風義邦國樹聲望孝



友言無間軒車交莫量急公陳策善經濟展猷長匍匐  
朝行幄從容拜寵章法書摩兩晉詩筆擅三唐汎  
濫憂鄉族堅隄立護防昔塋念宗祖修譜著賢良文廟  
增丹雘先祠妥享堂義田存贍恤子姓獲寧康繼世詒  
謀遠承家奕葉光事君訓精白令子競飛黃似此芳猷  
著俱應史冊彰伊余承教誨自昔拜堂皇推轂方蒙薦  
遭讒竟中傷七年空載筆千里只空囊契闊移星曆漂  
零覓稻梁不虞公遽歿俾我淚成行執紼情難已瞻帷  
意敢忘雲天何漠漠秋水正茫茫客路懷鄉切單衣怯  
夜涼招魂徒有賦躑躅對斜陽

張弘殿

先生字澹園江都人

絳斗鍾靈厚黃山毓秀真襟期推獨步學術邁羣倫秉  
質方金玉趨庭擬鳳麟如何驂白鶴忽爾棄紅塵  
哲人雖已逝令德尚堪徵力可扶危困情多遍友朋雄  
才應克展前列快重弘兼有遺經在留傳不盡燈  
閱閱開新象鄉邦仰壯圖祇今歸玉府何處訪仙鳧練  
水悲風急邗江落月孤那堪銀燭下蕭瑟聽啼烏  
未遂班荆願人琴慟更殷典型中道絕幽顯一朝分總  
帳凝寒露書籤慘落曛三薰陳短句神黯楚江雲

王堅

先生字謂升江都人

三十年前晤項斯看花縱酒夜聯詩宏才自受天顏  
眷善行羣推我輩師淮海聲名垂奕世兒孫麟鳳重清



時榮封久享台階養遽返蓬萊茹紫芝

劉正琦

賢豪間起自非常為國持籌挾策良事業直能追敬仲  
福綏端不讓汾陽嘖嘖兩淮聲籍甚悠悠三楚思無疆  
更饒司馬文章重留與將來發桂香

蘇

袞

先生字揆  
之常熟人

天都耆舊負時名江左咸欽月旦評客到四方爭執御  
士懷一藝望持衡白雞忽自驚塵夢黃髮何堪喪老成  
幸覩高陽才子盛更標峻望繼先聲

廣陵懷刺謁高賢濫厠賓裾四十年爨木忽教成雅器  
鹽車真見被華韉重來忍作歌虞客感舊惟裁誅德篇

今日寢門親執紼空餘老泪涌如泉

王

崑

先生字載  
宮歙縣人

霜風蕭颯凋寒蕪送翁素旆歸新都白馬行將啓幽室  
青雲何處覩仙鳧憶昔翁當壯盛時淵庭犀角耀竒姿  
方朔三冬偏富學盧郎八米最工詩晚屈雄才聊握策  
設施壓倒人千百繡衣使者日款門抵掌高談資碩畫  
九牧咸欽長者名逢人然諾必推誠焚券多能免薛責  
射書端可下聊城每惜雙丸如轉轂好善孜孜常不足  
雲起俄看蔭四郊河潤恒聞澤九族猥余後進從翁遊  
杖履追陪春復秋芍郡看花同曲宴萸灣載月共仙舟  
大裘十丈萬間屋愛我情深逾骨肉感翁高誼每思酬



願以岡陵爲翁祝豈意南天望少微訃音忽至痛何如  
衮衣一品耀紫綬夢中髣髴攬翁袂緬翁德業在宇宙  
身雖委化名不朽明禋將見祀瞽宗方冊行當傳耆舊  
翁有貽謀裕後昆豐貂畫檠滿高門 馳封已拜生前  
爵 贈卹還昭歿後恩翁乘白雲駟玉駟下視八極皆  
塵滓馭娑國裏芙蓉城翁之棲神母乃是唯翁德澤洽  
人心數十年來覆庇深輟春罷社寧無感黃童白叟俱  
沾襟矧余累世叨粉蔭薦蘿松柏相纏引自謂平生倚  
老成可堪一旦靈光隕執紼親來撫玉棺寸心蘊結感  
千端臨風迸作雙眸淚灑向高原土不乾

嚴培元

長庚星落紫雲微鶴去笙遙何處依縱有春風茁蘭草  
可憐明月冷斑衣百年零落黃壚酒千里淒涼白雪幃  
重過西州煙滿樹廣陵一曲歎知希  
逍遙杖履傍江濱談笑羲皇不染塵敢向岱封瞻闕里  
曾從玉樹拜平津招攜竹葉樽前月辜負瓊花觀裏春  
幾欲登堂渾未得總幃觸望淚沾巾

釋實贊 上人號法微歙縣人

贈我還山已十年漫勞長者誼纏綿曾期解網出三戒  
豈意修文赴九天此日貽謀方裕後平生立業更光前  
道人亦有淪亡感欲擷山花薦几筵

姪維貞

字端伯丁卯孝廉內閣中書舍人改授江浦縣知縣



吾家世業賴宗模百尺危樓一柱孤骨相知超凡品上  
心期自與古人符天公不肯留宗老方外空傳有鏡湖  
他日登堂瞻畫像徒令歌哭奠黃壚

姪維聰

字穎叔丁卯孝廉內閣中書舍人改授江都縣知縣

挾策馳驅翰墨場不貪簪筆侍明光經傳百世垂家範  
神共千秋釣玉璜黃紙新飛丹鳳闕白雞旋夢碧牙牀  
尊前提命今猶憶回首南雲淚萬行

祭輓彙錄卷二十二





